

ديسكاوری شبکه‌سی 2014-جو ایلینده دسامبرين 7-سینده «دیری اودولماق» آدیندا بیر مستند پخش ائله‌دی. بو شبکه چوخلاندا ایدی بو برنامه اوچون تبلیغ ائلیردی. قرار ایدی «پل روزالی» بیر آناکوندا ایلانی طرفیندن اودولوسون و بیر ساعت اونون قاریندا قالسین.



ديسكاوری شبکه‌سی 2014-جو ایلینده دسامبرين 7-سینده «دیری اودولماق» آدیندا بیر مستند پخش ائله‌دی. بو شبکه چوخلاندا ایدی بو برنامه اوچون تبلیغ ائلیردی. قرار ایدی «پل روزالی» بیر آناکوندا ایلانی طرفیندن اودولوسون و بیر ساعت اونون قاریندا قالسین.

آناکوندا ایلانلاری دنیانین لاپ بؤیوک ایلانلاری کیمی تانینیرلار و معمولاً شکارلارینی اودماقدان اول بوغارلار.

روزولی نین بوغولماماسی اوچون بوتون حاضریقلار گؤرولموشدو. متخصصلر اونون اوچون کربن فییریندن نفس آلمایا و ارتباط سیستمینه مجهز اولان مخصوص پالتار حاضرا میشدیلار کی ایلانین قاریندا اولمه‌سین و ائشگینن دانیشا بیلسین.

روزالی دئییر: بیز بو سیستمین منیم اودولماغیمدان سونرا ایشله‌جاغیندان مطمئن دئییلدیک. بونا بئله ایلمیزدن گلن قدر مطمئن اولماغا چالیشدیق.

او آرتیریر: بیز 60 گون بویوندا آمازونون پرو اولکه‌سینده اولان بؤلومونده مناسب آناکوندا آختاردیق. تاپدیغیمیز اول آناکوندانین 7.5 متر اوزونلوغو و تقریباً 135 کیلو آغیرلیغی واریدی. آما اونو تله‌یه سالانمادیق. سونرا بیر 6 مترلیق دیشی آناکوندا تاپدیق. ایلان اولده منی اودماق ایسته‌مه‌دی و قاچماق نیتینده ایدی آما اونو تحریک ائله‌یندن سونرا منیم اوستومه یوگوردو و اودماغا چالیشدی.

روزالی نین محافظ پالتاری حیوان قانینا بلشیلیمیشدی کی آناکوندا اونو یئماغا هوسلنسین.

روزالی ایلانین گوجلو حلقه‌لری آراسیندا گرفتار اولدو و آز قالیردی قوللاری و سومکلری اوغولسون. اوزونو ایلانین چنبره‌سینده گرفتار گورن روزولی نین قورخو بورویور. ایلانی اونو اودماق اوچون آغزینی آچیر. آما بو آندا روزولی قورخوسونا مغلوب اولار و اوردان قورتورولماسینی ایستیر.

او قورتولاندان سونرا اوزو قورخوسونو توجیه ائله‌ماق اوچون دئییر: ایلانین انگی نین گوجونو محافظ بؤرکومده حس ائله‌دیم و آغزینین سویونون سسینی ائشیتدیم. ائله بیل ایلانین بوتون گوجو منیم بیر قولوم اوستونده متمرکز اولموشدو. بیر آندا ائله بیلدیم قولوم اوغولور.

هر حالدا دیسكاوری کانالی ادعا ائله‌دیغی مستندی نمایشه قویمادی. بو شبکه بو برنامه نین تبلیغینده بیر گون قاباق انسانین بیر ساعت بویوندا ایلانین قاریندا قالدیغینی و زمان درکی نین ایتیدیردیغینی ادعا ائله‌میشدی.

بو برنامه دن قاباق و سونرا حیوانلاردان حمایت انجمنی، ایلانی اذیت ائله‌ماغا گوره بو برنامه دن انتقاد ائله‌میشدی.